



ATA OFISIAL DI RUNION RIMOTU DI KUMITÉ SKOLAR DI BOSTON

27 di Abril di 2022

Kumité Skolar di Boston rializa um runion dia 27 de Abril di 2022, 6 hora tardi, na plataforma Zoom. Pa máz informason sobri kualker um di artigus listadu di baxu visita nos site www.bostonpublicschools.org/schoolcommittee, ou e-mail feedback@bostonpublicschools.org ou txoma Gabinete di Kumité Skolar di Boston pa (617) 635-9014.

PRIZENSAS

Membrus di Kumité Prizenti: Chairperson Jeri Robinson; Vice Chairperson Michael D. O'Neill; Stephen Alkins; Brandon Cardet-Hernandez; Rafaela Polanco Garcia; Quoc Tran; y Ruiprizentanti di Studentis Xyra Mercer.

Membrus di Kumité Skolar Auzenti: Lorena Lopera.

DUKUMENTUS PRIZENTADU

Agenda

Atas di Runion: 6 di Abril di 2022

Total di Subsídus pa Aprovason \$2,509,703

Saláriu Provizóriu y Pagamentu di Nau-Pisoal sobri Memorando di Fundu Externu

Rinovason di Kontratu di Transporti di Transdev

Rivizon di Prujetus di Reparason Asileradu di Massachusetts School Building Authority (MSBA) pa 2022

Prujetus Prinsipal pa 2022 di Massachusetts School Building Authority (MSBA)

Diklarason di Impaktu di Ekuidadi di Mision Hill School

Rilatóriu di Rivizon di Kualidade Mision Hill Emergency School

Rilatóriu Ridigidu di Mision Hill Coffey

Runion Rimotu via Zoom di Kunité Skolar di Boston

27 di Abril di 2022

Faze I Rilatóriu Ridigidu a 4 28 22 di BPS Hinckley Allen

SHAMADA PA ORDENA

Chairperson Jeri Robinson Konvoka runion y lidera promesa di lealdadi. Sra. Sullivan fazi shamada pa audiênsia. Sra. Lopera staba auzenti. Sr. Cardet-Hernandez txiga um poku atrazadu pa shamada. Tudú kes oto membrus staba prizenti.

Sra. Robinson fla ma runion di hoji noti staba ta binha ser transmitidu em diretu via Zoom. Ta bem ser retransmitidu na TV di sidadi di Boston. Ta bems er também afixadu na bostonpublicschools.org/schoolcommittee y na YouTube. Ê anunsia ma staba disponivel sirvisus di interpretason em simultâniu na spanhol, kriolu di Haiti, kriolu di Cabo Verde, vietnamita, kantonés, mandarim, y language gestual amerikanu (ASL). Interpretis fazi aprizentason y es da instruson na sís língua maternu sobri mo ki ta asededu a interpretason simultâniu através di mudansa di kanal Zoom. Dukumentus di runion foi tudú traduzidu y afixadu na www.bostonpublicschools.org/schoolcommittee antis di inisiu di runion

APROVASON DI ATA DI RUNION

Aprovadu – Pa shamada, Kunité aprova ATA di runion di Kunité Skolar dia 6 di Abril di 2022, pa unanimidadi.

RILATÓRIU DI SUPERINTENDENTI

Chair Robinson anunsia ma Superintendenti sa aprizenta si rilatóriu dividu a importânsia di agenda.

RILATÓRIU

Mison Hill K-8 Atualizason Skolar y Rikumendason pa Ano Skolar 2022-2023 -

Superintendenti Adjuntu Akadémiku Drew Echelson fornesi um rizumu di rilatóriu solisitadu pa Superintendenti y rializadu pa gabeti di advogasia di Boston Hinckley Allen ki ta diskrebi rilatus sistemátiku y generalizadu di studantis sobri má konduta sexual y fizika y generalizadu di studantis ki kumesa na 2014. Riçatóriu ta inklui ki es insidentis gravi ka foi dividamenti tratadu pa pisoal di skola y konfirma multiplus dinunsia sistemátiku de insusesu pa parti di funksionárius di skola. Alguns di kes kazu diskrebedu na investigason foi notisia na imprensa na últimus anos.

Superintendenti fla ma dipós di um rivizon ezaustivu di rilatóriu di Hinckley Allen, um Rivizon di Kualidadi Skolar konduzidu pa School Works, y ku um konsiderason kuidadu di tudú opson posivel, ê sa fazi rikumendason a Kunité Skolar di Boston pa ki Mison Hill K-8 School fitxa permanentementi na final des anu letivu li. Ê anunsia ma Kunité Skolar ta bem rializa um runion spesial dia 5 di Maio pa vota na rikumendason.

Runion Rimotu via Zoom di Kumité Skolar di Boston

27 di Abril di 2022

Superintendenti is Skola Primária Grace Wai, tem apiadu Mision Hill K-8 School nes ano letivu, ê dilínea es apoiu ki distritu tem pristadu a skola ti data di hoje, sima també apoiu tranzitóriu a medida ki sa ta avansa. BPS kria um ikipa di tranzison ki ta bem trabadja ku kada família pa asigura um tranzison suavi pa um novu kumunidade skolar pa próximu anu letivu.

Sra. Robinson Xpresa si priokupason ku rilatóriu y elogia famílias di Mision Hill pa korage kes dimostra. Ê fla ma rilatóriu kompletu y ridigidu tinha kabadu di ser partilhadu ku Kumité, Ki ta binha avalial di forma kompletu y kuidadozu, djuntu ku rikumendason di Superintendent. Ê risebi bem riason di Kumunidade di Mision Hill. Sra. Robinson asigura ma, imhora Kumité seja diligenti y minunsizu na si trabadju pa prosesa integralmenti rilatóriu y rikumendason, també ê sa ta movi diliberadamenti yy ku presa. Ê observa ma famílias mesti di sertezas, distritu debi risponsabiliza, y kumunidade mesti di kura.

Superintendenti anunsia ma na próximus dia, famílias di Mision Hill sa konvidadu pa sa prizenti na várius runion kumunitáriu, undui um ikipa di trazison ta bem partilha máz sobri prusesu di matríkula y ta bem djuda famílias a skodji um skola ki midjor ta satisfazi sis nisisdadi, inkluidu skolas di altu kualidadi na Jamaica Plain.

Sr. Cardet-Hernandez fala sobri frakasu di adultus através di inason y di falta di risponsabilizason. Ê agradezi a Superintendenti pa ter abordadu es kiston. Ê fala sobri importânsia di rikonstrui kunfiansa ku famílias.

Dr. Alkins agradezi a Superintendenti pa ter trazidu a luz es konsertu. Ê onserva ma apoiu tranzitóriu ta bems er importanti pa famílias ki foi impaktadu.

Sra. Polanco Garcia agradezi famílias ki aprizenta, sima també a Superintendenti, pa ter inisiadu investigason.

KUMETÁRIU DI PÚBLIKU EM GERAL

Kes siguintis pisoas tistimunha a favor di xpanson di klasifikason di P.A. Shaw School:

- Boston City Councilor At-Large Julia Mejia
- Brenda Ramsey, rezidenti na Dorchester y inkaregadu di eduakson na Shaw School
- Tracy Curtin, rezidenti na Jamaica Plain y profisora na Shaw School

Kes siguintis pisoas tistimunha a favor di ezigênsia di kontrato di Justisa di Habitason di Sindikatu di Profisoris di Boston:

- Ana Shapiro, rezidenti na Jamaica Plain y profisora na Charlestown High School
- Ann Finkel, rezidenti na Brookline y profisora na McKay K-8 School
- Lauren Ainsworth, ka rezidenti na Boston y profisora na BPS
- Madison Morley, rezidenti na Brookline y profisora na Orchard Gardens K-8
- Emoro Efetie, rezidentina Roxbury y profisor na BPS
- Daniela Petuchowski, rezidenti na Jamaica Plain y profisora na McKay K-8 School
- Ana Lanás, rezidenti na Fenway y profisora na Everett Elementary School
- Shakeeda Bartee, rezidenti na Dorchester y profisora na UP Academy Boston

Runion Rimotu via Zoom di Kunité Skolar di Boston

27 di Abril di 2022

Kes siguintis pisoas tistimunha sobri rikumendason di Superintendenti pa fitxa Mision Hill K-8 Pilot School na final des ano Letivu 2021-2022:

- Leila Parks, rezidenti na Jamaica Plain y profisora y inkaregadu di edukason na Mision Hill K-8 School
- Andrew Iliff, rezidenti na Jamaica Plain y inkaregadu di edukason na Mision Hill K-8 School
- Alison Cox, rezidenti na Jamaica Plain y inkaregadu di edukason na Mision Hill K-8 School
- Michael Heichman, rezidenti na Dorchester y membru na Boston Education Justice Alliance
- Heidi Lyne, rezidenti na Dorchester y profisora fundadora Mision Hill K-8 School
- Tim Klein, rezidenti na Jamaica Plain I inkaregadu di eduakson na Mision Hill K-8 School
- Asha Leray, ka rezidenti na Boston, inkaregadu de edukason di um antigun aluno na Mision Hill K-8
- Deborah Meier, Hillsdale, rezidenti na NY y fundador di Mision Hill School
- Emily Gasoi, ka rezidenti na Boston y profisor fundador na Mision Hill K-8 School
- Carolyn Shadid Lewis, rezidenti na Jamaica Plain yi inkaregadu di edukason na Mision Hill K-8 School
- Toyoko Orimoto, rezidenti na Jamaica Plain y inkaregadu de edukason na Mision Hill K-8 School

Kes siguintis pisoas tistimunha a respetu di lokalizason di Horace Mann School pa Surdus y alunus ku Difikuldadi di Audison:

- Martha O'Brien, rezidenti na West Roxbury y profisora na Horace Mann
- Brian Gibson, rezidenti na Framingham y profisora na Horace Mann

Kes siguintis pisoas tistimunha a respetu di xpanson di 6^a klasi di Sumner Elementary School:

- Elizabeth Ferrenz, rezidenti na Roslindale y inkaregadu di edukason na Sumner Elementary School
- Lauren Peter, rezidenti na Roslindale y nkaregadu di edukason na Sumner Elementary School

Kes siguintis pisoas tistimunha a favor di empregu di profisora Aaliyah Turner di Nathan Hale Elementary School:

- Mark Schafer, rezidenti na Roxbury y inkaregadu di edukason na Hale Elementary School
- Allise Montgomery, rezidenti na Dorchester y inkaregadu di edukason na Hale Elementary School

Edith Bazile, rezidenti na Hyde Park y advogada, testimonha a respetu di edukaso spesial.

Sharon Hinton, rezidenti na Hyde Park y advogada, testimonha a respetu di memorandu di distritu ku Departamentu di Ensinu Báziku y Sikundáriu (DESE) y prusesu di piskiza di superintendenti.

Runion Rimotu via Zoom di Kunité Skolar di Boston

27 di Abril di 2022

Ruby Reyes, rezidenti na Dorchester y director izekutivu di Boston Education Justice Alliance, testimonha a respetu di transparênsia.

Shery Keleher, rezidenti na Charlestown y inkaregadu di edukason na BPS, testimonha relativamenti a um série di kiston sobri edukason.

Kerith Conron, rezidenti na Roslindale y inkaregadu di edukason na JP Manning School, testimonha sobri priokupason ku bullying.

Sharon Daura, rezidenti na Roslindale y inkaregadu di edukason na JP Manning School, testimonha a respetu di edukason spesial.

Mary Lee Marra, rezidenti na Hyde Park, y testimonha a respetu di prusesu di piskiza di superintendenti.

PONTUS DI ASON

Aprovadu - Na shamada, Kunité aprova unanimenti Subvenson pa Aprovason na Total di \$2,509,703.

Aprovadu - Na shamada, Kunité aprova unanimenti pagamentu di Saláriu Interinu y pagamentu pa Nau-Pisoal di Fundus Externu pa FY23.

Dr. Alkins pirgunta kantu tempo ki ta dura pa prusesu di lisitason siguinti di distritu pa um kontrato di transporti. Diretor di transportis Delavern Stanislaus konkorda na da máz informason.

Aprovadu - N shamada, Kunité aprova unanimenti um rinovason di kontratu di um anu entri Skolas Públiku di Boston y fornecedoris di transportis Transdev, o ki ta abrangé priúdu di 1 di Julho di 2022 a 30 di Junhu di 2023.

Sr. Cardet-Hernandez manifesta apoiu a investmentus prupostu pa instalason di MSBA. Superintendenti fla me ta bem divulga ditalhis sobre investmentus di kapital di distritu na próximus simana.

Sr. O'Neill solisita sklaresimentu sobri kritérius di klasifikason di Massachusetts School Building Authority (MSBA). Diretor Finanseru Adjuntu David Bloom xprika ma MSBA utiliza um sistema di klasifikason di prioridadi di 1-8, undi kada prioridadi tem um difinison. Ê fla ma tudu submison di Prugrama di MSBA Accelerated Repair Program di Distritu ta kumpri kritériu #5 ki ta bazia na substituison si sitema di edifisiu. Ê fla ma rinovason ou rikonstruson di Blackstone Elementary School é prioridadi y máz urgenti di distritu. Sr. O'Neill fla me sta ansiosu pa sabi máz sobri planus di distritu pa um kaza permanenti pa Skola Horace Mann.

Aprovadu - Na shamada, kunité aprova unanimenti um pruposta ta autoriza superintendenti a aprizenta a Massachusetts School Building Authority siguintis formuláriu di Diklarason di Interesi datadu de, ou antis di 1 de Junho de 2022, pa siguintis skoals: Haley Pilot School;

Runion Rimotu via Zoom di Kunité Skolar di Boston

27 di Abril di 2022

Curley K-8 School Lower Building; Burke High School; Henderson K-12 Inclusion Upper School Campus; Ohrenberger School; y English High School.

Aprovadu - Na shamada, Kunité aprova unanimenti um pruposta ta autoriza Superintendenti a submeti a Autoridadi di Konstruson di Skolas di Masachusetts um fomruláriu di Diklarason di Interesi datadu di, ou antis di 29 de Abril di 2022 pa Blackstone School, lokalizadu na 380 Shawmut Avenue, South End, MA 02118 (prujetu prioritáriu) y pa Otis Shool, lokalizadu na 218 Marion Street, East Boston, MA 02128.

RILATÓRIU

Atualizason di Prusesu di Piskiza di Superintendenti - Dra. Pam Eddinger ko-prizidenti di Kunité di Piskiza di Superintendenti, aprizenta um atualizason sobri prusesu di piskiza.

Diskrison di Trabadju

Diskrison du funsons di superintendenti foi publikádu na simana pasadu. Empresa di piskiza izekutiva JG consulting sa rikruta ativamente pa kargu. Kunité di Piskiza sa spera atrai um konjuntu diversifikadu di kandidatus altamenti kualifikadu.

Linha temporal di Prusesu di Piskiza

- Meiu di Maio: Aprizentason di Kandidatus - Kunité di Piskiza sa bem analiza tudu kandidatu y ditirmina kes kandidatu ki ta bai pa primeru ronda di intrivistas.
- Inisiu di Junhu: Primeru ronda di intrivista sa ser virtual. Kunité ta bem streia inda máz um grupu y identifika kandidatus pa sigundu ronda, pa intrevista prizensial.
- Meiu di Junhu: Sigundu ronda di Intrivista y Rikumendason di Finalistas a Kunité Skolar - Kunité di Piskiza ta bem rializa um ronda di intrivista prizensial. Kunité ta bem identifika dós a três finalista des ronda di intrivista pa rikumenda a kunité skolar. Enkargu di Kunité di Piskiza ta ser kumpridu si ki finalistas for rikumendadu.
- Meiu ti fim di Junhu: Kunité Skolar ta rializa intrivistas públiku ku finalistas
- Fim di junhu: ta bem ser votason di Kunité kolar sobre seleson final

Involvimentu

Kistionáriu: Komo parti di prusesu di involvimentu kumunitáriu, Kunité di Piskiza inisia um inkéritu di piskiza di superintendenti online. Inkéritu foi inseradu dia 15 di Abril. Gabinete di Dadu y Responsabilidadi di BPS y di Dipartamentu di Inovason y Teknologia di sidadi aprizenta

Runion Rimotu via Zoom di Kumité Skolar di Boston

27 di Abril di 2022

um rizumu di rizultadus di inkéritu a Kumité di Piskiza dia 16 di Abril. Inkéritu, ki foi oferésidu na 10 língua, staba abertu durantu poku máz di um mês y produzi máz di 500 rispostas. Maioria di inkiridus, 63% era inkaregadás di edukason y tutoris di alunus di BPS.

Inkéritu kistiona kumunidade ki kualidadis es ta kria odjaba na próximu superintendenti. Máz di 80% di inkiridus indika kapasidade di komunikason di forma efikaz y lideransa dimostradu nha milhória di rizultadus pa tudu studanti, y kela é txeu importanti. Xpriênsia di lideransa di um distritu urbanu, um rigistu de sta vizível y involvidu na si kumunidade, y kunhesimentu di BPS di Boston foi kes kualidade ménus frikuentimenti identifikadu komo importantis.

Témas xavi ki imergi na priguntas a rispotas abertu sobri kualidade ou xpriênsias é tudu importanti a tem em konsiderason na prokura di próximu superintendenti inklúndu: Envolvimentu na Kumunidade Skolar, Kolaborason Administrativu, Komprenson di Sistema Edukativu, y Lideransa Efikaz.

Kantu é pirguntadu ki pirgunta é ta gostaba ki kandidatus rispondi, tópicu kumum ki inkiridus indentifika ta inkluibá: Apoiu a Nisisidade di diversus alunus, Risposta a Nisisidadis di Kumunidade Skolar, Riforma Sistematiku, Proporsina Asesu Ekitativu, y Midjora kualidade di Edukason.

Dr. Eddinger observa ma dadus mostra ma inkiridus ka ta refleti diversidade rasial, etnika, di bairu, y liguistiku di populason di BPS em geral. Inkiridus era mas prupensu a vivi na Jamaica Plain, Roslindale, y West Roxbury do ki studantis di BPS. I Noventa y sinku pur sentu di rispostas foi submetidu na inglés, nkuantu ki pa komparason, dós tersu di famílias di BPS ta prifiri risebi komunikason na inglés. Alén disu, risposta di studantis foi mutu baxu, ku 4% di rispostas ki alunus da, Kumité di Piskiza sa ezamina forma di ríforsa voz di studantis na prusesu.

Dr. Eddinger diskrevi inkéritu komo pesa dum puzzle no ki ta trata di rikolhi opinion, pa alén di seson de audiênsia, y tistimunhu ku textus y vidius. Tudurason ta bem informa kuletivamente abordage di Kumité pa formulason di pirguntas di intrivisita, y na ultimu analize, di finalisitas ki foi silesionadu. Opinion ta bem ser també dadu a superintendenti pa mantel informadu y pa djudal na si trabadju di planiamentu.

Sesons di Audiênsia Adisional

Kumité di Piskiza sa rializa várius seson adisional pikitoni di interesadus. Kesli sa ser organizadu pa grupus di interesadus. Além di kela, Kumité di Piskiza sa stabilesi um parseria ku Gabinete di Prizidenti di Kâmara pa rializa seson adisional di audiênsias na grupus más pikinoti na sinku língua di BPS (kiolu di Hait, kantonês, kriolu di Cabo Verde, vietnamita, y mandarim).

Kumité di piskiza inkoraja grupus ki kre partilha sis opinion a akolhi na sis própriu seson, y manda um memorandu di síntise a e-mail ofisial di Kumité di Piskiza ki sta disponível pa sisti y obi. Opinion kontínuo é benvindu através di e-mail:

superintendentsearch@bostonpublicschools.org ou através di bu tistimunhu na um vídiu ku um textu através di página di piskiza na site bostonpublicschools.org/supt-search.

Runion Rimotu via Zoom di Kunité Skolar di Boston

27 di Abril di 2022

Sr. Cardet-Hernandez xpresa si priokupason ku kompleksidadi di linha temporal ki Dr. Eddinger sklaresi. Ê fla ma envolvimentu públiku tem stadu a kontise ao longu di prusesu.

Dr. Alkins pirtgunta si Kunité sa konsidera dexa inkeriru abertu. Dr. Eddinger karakteriza inkéritu komo um instrumentu di validason, y ê fla ma Kunité sa djobi um novu lugar pa atrai máz studentis.

Sr. Cardet-Hernandez pirtgunta sobri stratégiás pa atrai vozis máz diversus. Dr. Eddinger fala sobri sinku seson adisional na lígua maternu oferisidu, sima seson na grupus máz pikinoti.

Dr. Alkins fala sobri importânsia di sta preparadu pa revizita linha temporal y si prokura da lugar a um forti lista di kandidatus. Dr. Eddinger fla ma Kunité ta bem realiza um avaliason di viabilidadadi na kada faze di rivizon. Ê garanti ma Kunité ka sa bem kontenta ku nada ménus di ki um forti y diversifikadu rizerva di kandidatus.

Sr. Cardet-Hernandez sugiri ki Kunité plania posibilidadadi di nomeia um superintendenti interinu.

KUMENTÁRIU PÚBLIKU SOBRI RILATÓRIU

Ninhum.

NOVUS NIGÓSIUS

Dr. Alkins fala sobri importânsia di transparênsia, di akumpanhamentu y di kumunikason entri distritu y famílias. Sra. Robinson konkorda ma pais ta spera risponsabilidadadi y transparênsia. Sr. Cardet-Hernandez xpresa si dizeju di ki kiston levantadu duranti kumnetáriu públiku ta ser abordadu pa distritu y subsekentimenti riportadu a Kunité Skolar. Ê solisita ki Rilatóriu di Superintendenti na futuro inklui atualizason di forma rigular sobri tarefas di studentis pa próximu anu letivu, sima também afastamentu króniku.

ADJUNTU

Aprovadu - Pa volta di 9h30 di noti, Kunité vota unanimenti, via shamada registadu, adiamentu di runion.

Atestadu:



Elizabeth Sullivan
Sikretária Izekutiva